



Ukuhlomisa izingane zethu
ngelikusasa

RI 1

Isihloko sesifundo: Ukholo - uMariya nengelosi

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Ukholo - uMariya nengelosi**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le-RI 1. 2.4: Uyacelwa uthinte uThisha wakho we-RI 1 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba usethule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se-**RI 1** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha.



Isifundo

Isihloko	Ukholo - uMariya nengelosi
Umbhalo weBhayibheli	NgokukaLuka 1: 5 - 38 no-1 Peter 2: 9
Inhloso yesifundo	Izingane zifunda ukuthi uNkulunkulu ulindele ukholo kulabo Yena enza izithembiso kubo. Ukholo lwethu kufanele luqine njengedwala.

Isifundo esifingqiwe:

- UMariya wayehlala edolobheni laseNazareth futhi wayethembisene umshado noJosefa.
 - Ingelosi, egama layo linguGabriyeli yavela kuye yathi: “E wena ophiwe umusa! INkosi inawe; ubusisiwe esifazaneni. Ungesabi, Mariya, ngoba ufumene umusa kuNkulunkulu. Bheka, uzakukhulelwa, uzale indodana, uyiqambe igama lokuthi uJesu. UMoya oNgcwele uzakuza phezu kwakho, amandla oPhezukonke akusibekele; ngakho-ke okuNgcwele okuzozalwa kuzakuthiwa iNdodana kaNkulunkulu.”
 - Noma uMary wethukile, kodwa wakholwa ingelosi wathi; "Makwenzeke kimi ngokwezwi lakho".
 - Ezinyangeni ezimbalwa ngaphambili kwenzeka into efanayo kumpristi ogama lakhe linguZakariya.
 - UZakariya nomkakhe, u-Elizabeth, base bekhulile futhi babeshade isikhathi eside, kodwa bengenazo izingane.
 - Ngelinye ilanga, ngenkathi uZakariya esethempelini, ingelosi uGabriyeli yavela kuye yathi: “Ungesabi, Zakariya, ngokuba umthandazo wakho uzwakele; umkakho u-Elisabethe uzakukuzalela indodana.”
 - Ngokungafani noMariya, uZakariya akazange ayikholwe ingelosi ngoba kwakuphikisana nemvelo yomuntu ukuba nomntwana esemdala. Ingelosi yathi kuZakariya, "Kuze kube yilapho izalwa ingane, uyakuba yisimungulu, ngokuba awukholwanga ngamazwi ami."
 - Njengoba ingelosi yayishilo, u-Elisabethe wabeletha umfana futhi ngokwesiko lakhe, ngenkathi esokwa, izihlobo nabangane bacabanga ukuthi uzobizwa ngoZakariya, njengoyise.
 - U-Elisabethe, nokho wathi wayezobizwa ngokuthi uJohane, njengokuyalelwa yingelosi.
 - UZakariya wabuzwa ngalokhu, ngakho wabhala esiletini: “Igama lakhe nguJohane.”
- NgokukaLuka 1: 63
- Kusukela ngaleso sikhathi nokuqhubekela phambili, uZakariya wakwazi ukuphinda akhulume futhi wadumisa uNkulunkulu.
 - UNkulunkulu wakhetha uMariya noZakariya njengamathuluzi omsebenzi okhethekile wokufeza intando yaKhe. Khumbula, abanye abakhethwa nguNkulunkulu ukufeza intando yaKhe kwaba
 - ▼ UNowa ngokwakha umkhumbi,
 - ▼ UMose ngokuhola abantu bakwa-Israyeli baye ezweni laseKhanani futhi
 - ▼ Abaprofethi ngokuletha imiyalezo ethile evela kuNkulunkulu.
 - Funda ku-1 Petru 2: 9. Nathi sikhethelwe imisebenzi ekhethekile. UNkulunkulu ulindele ukuthi nathi:
 - ☐ sitshele abantu ngoJesu nomsebenzi waKhe futhi



- siziphathe njengabantwana bakaNkulunkulu ezimpilweni zethu zansuku zonke, ngoba sibizelwe kubupristi basebukhosini baKhe (amakholwa).
- Nathi, sithole isithembiso esingaphezu kokuqonda komuntu. Isithembiso sokuthi uJesu uzobuya azosithabathela kuYe. Lokhu kuzogcwaliseka!

Ingabe sisifundisa ini lesisifundo na?

- Ingelosi yabikezela izehlakalo ezibalulekile kuMariya noZakariya maqondana necebo likaNkulunkulu lensindiso ngathi.
- Isithembiso sengelosi sagcwaliseka, yize noma sabonakala siphikisana nokwazi kwezidalwa zabantu, kepha kwakudingekile ukuthi sikholwe yisithembiso esanikezwa sona.
- Sikholwa ngenhliziyo yonke ukuthi uNkulunkulu usikhethile nokuthi uJesu uthembisile ukuthi uzobuya azosilanda.
- Sifuna ukuthathwa ngosuku uKristu azobuya ngalo futhi silubheke ngabomvu!
- Siyabonga ukuthi uNkulunkulu wasifaka kuhlelo lwaKhe lwensindiso.

Kholwa njalo futhi uthembele ezithembisweni zikaNkulunkulu. Noma unokukholwa okuncane nje kuNkulunkulu ungenza izinto ezinkulu, kholwa nje.

Yenza Izivivinyo 1 no-2 nengane / nezingane.

Eminye imibuzo esingayibuza:

1. Ingabe wenzenjani uMariya lapho ingelosi imtshela lezi zindaba na?
Impendulo: Wethuka/wamangala, nokho wakholwa futhi waba nokholo.
2. Ingabe wenzani uZakariya ngenkathi ingelosi imtshela izindaba ezinhle na?
Impendulo: Naye wethuka/wamangala, kodwa noma imithandazo yakhe iphenduliwe akazange ayikholwe ingelosi.
3. Ingabe yimiphi imisebenzi ekhethekile uNkulunkulu alindele ukuba siyenze na?
Impendulo: Kumele sitshele abantu ngomsebenzi kaNkulunkulu futhi siziphatehe njengabantwana bakaNkulunkulu ezimpilweni zethu zansuku zonke ngoba siyingxenye yomndeni kaNkulunkulu.
4. Ingabe yisiphi isithembiso esenziwe kithi na?
Impendulo: Ukuthi uJesu uzobuya futhi azosilanda ukuze sibe naYe njalo...
5. Ingabe yini okufanele siyenze ukukhombisa ukuthi sikufanele ukukhethwa kwethu kanye nesithembiso esisiphiwe sona na?
Impendulo: Kumele sikholwe ngokuphelele ukuthi uNkulunkulu usikhethile nokuthi uJesu uzobuya. Sifuna ukuthathwa ngosuku uKristu azobuya ngalo futhi sikulangazelele lokhu. Siyabonga ukuthi uNkulunkulu wasifaka ohlelweni lwaKhe lwensindiso.



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes
